

**Zeitschrift:** Nebelspalter : das Humor- und Satire-Magazin

**Band:** 87 (1961)

**Heft:** 47

**Rubrik:** Am Hitsch si Mainig

#### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

#### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

#### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

**Download PDF:** 20.05.2025

**ETH-Bibliothek Zürich, E-Periodica, <https://www.e-periodica.ch>**



## Um Hitsch si Mainig


In Moskau isch dar zwaiazwenzigscht Partejtag vu da Khommunistcha gsii. An Aart Schwizzar sind au darbej gsii. Dar Genaraal-sekhretäär Edgar Woog vu dar PeedeeAaa isch mit a paar Khommunistcha ga Moskhau gflooga und hätt sogäär noch andara ußländische Khommunistafüarar au törfareeda. Khlaar, nitt Schwizzartütsch, siini Waalschprooch isch Russisch. Ar hätt natürli über siins Vattaland, über dSchwizz, aaba tua. As sej in da Hend vu dan Imperialischa und siini Partei kempfi für dUnabhengikhait vu dar Schwizz, wo dLütt hischteerisch antikommunistisch sejandi und sogäär dar Giigar Oischtrach nitt hejandi schpiila loo.

dSangallar Schtudenta hend an dia PeedeeAaa-Delegazioon a Briaf gschribba. An offna Briaf. A tüttihha Briaf. Uff Khuurartütsch töönts öppan asoo in demm Schriibba dinna: Schwizzar, wo ga Mos-

khau raisandi, sejandi Fözzal und Varrötar. Ma khönni nümma lengar zualuaga, daß söttigi Mischt-finkha hälfandi, üüsari Frejhait zuntargraaba. Dia gliihha Mischt-finkha, wo im nööchscha Auga-

blickh dia Frejhaita für sich in Aaschpruch nemmandi. Khlaar, i bin mit denn Sangallar Schtudenta voll und ganz iivar-schtanda. Abar i glauba, ma khann dia miisa Gsella nitt uusbürgara.

«Aber modern ist er - Kytte - schandbar modern!»



Laidar. Abar aswas andars khönnti ma mahha. Dar Khommunistischa Woog zum Bejschipli woont zZüri dunna, in dar Zweierschroß hundartachtadachzig. Und as kennand inn sihhar a Huufa Lütt. Khai Mensch mee sötti demm truuringa Gsell dar Gruaß apnee. In khainar Wirtschaft sötti är mee bediant wärda, jeeda Tramkhondukhtöör sötti inn zum Tram ußawiisa, jeeda, wo dää Woog gsächt khoo, soll a groofa Booga um inn umma mahha, jo soll sogäär uusschpuckha. (Abar nitt öppa inn aaschpuckha, as wääri schaad um dSchpucki!) Und as wääri au nitt schaad, wenn imm dPTT zTelfon aphenka teeti und dar Milchmaa khai Milch mee gebbiti. Khai Hoosakhnopf sötti är mee khaufa khöenna – bis är aphaut – ins Arbaitparadiis.

### Der Unterschied

Spitteler schrieb: «Es genügt nicht immer, blödsinnig zu tun, um geistreich zu sein.»

Als dieser Satz geschrieben wurde, dachte natürlich noch niemand an den Exzentriker und Maler Salvador Dali, der von sich so schön sagt: «Der Unterschied zwischen einem Verrückten und mir besteht darin, daß ich nicht verrückt bin.»

fh



Bewundert auf der ganzen Welt ...  
Roamer die preisgünstige  
Schweizer Markenuhr!

100% wasserfest,  
schweiss- und schmutz-unempfindlich

Vierfach patentierte, genial einfache Schale

Antimagnetisch – Stoßgesichert

Hohe Präzision

In der Schweiz in über 400 guten  
Fachgeschäften erhältlich

**ROAMER**



überall  
Hahn im Korb  
**SENGLET**

